

Այստեղից էր Թեոդորոս Ռշտունին՝ եօթներորդ դարու հերոսը, որը արաբացոց անընդհատ արշաւանքների ժամանակ կայծակի նման Հայաստանի մի կողմից դեպի միւսն էր թռչում, եւ հայոց արեան ծարաւի արաբացոց հրոսակներին ջարդում էր, եւ երբեմն իր սուրը նենգաւոր յունաց դէմ էր դարձնում:

Այստեղից էր յիշեալ Թեոդորոս Իշխանի որդի Վարդ Պատրիկը՝ յունաց ռիւերիմ թշնամին, որը յունաց զօրքերի Գայլ գետի շարժական կամուրջից անցնելու ժամանակ կտրեց կամուրջի ծայրը, ամենքը հոստեցան դեպի գետի մէջ, եւ մնացածներին կտորել տոեց: Յոյները այն աստիճան բարկացած էին այդ քաջի դէմ, որ կենդանութեան ժամանակ, չկարողանալով վնասել նրան, մեռնելուց յետոյ որոնում էին հանգուցեալի գերեզմանը, որպէսզի ոսկորներից վրէժխնդիր լինեն: Բայց Հայոց-ձորի երախտագետ ժողովուրդը, զգուշանալով յունաց չարութիւնից, խորգոմ գիւղում, ծովի ափի մօտ, մի եկեղեցի կառուցին եւ քաջի մարմինը նրանում հանգուցին: Այդ եկեղեցին ծածկեցին հողով, եւ կազմուցեաւ մի բարձր բլուր, որի վրայ կառուցեցին մի այլ եկեղեցի: Ոստանից փոքր-ինչ հեռու, Մահառաշտ բարձրադիր եւ զարճալի գիւղում, մինչեւ այսօր նկատուում են Վարդ Պատրիկի շքեղ ապարանքների աւերակները: Այդ ծովեզրեայ գիւղը քաջի ամառանոցն էր, իսկ Աղթամար կղզում գտնուում էր նրա հօր բերդը, որ յետոյ ժառանգեց որդին:

Գագիկ Արծրունին աւելի գեղեցկացրեց Ոստանը, նորոգելով եւ ամրացնելով հին բերդը եւ իր համար փառաւոր պալատներ կառուցանելով: Այդ բոլորը մի առանձին հիացմունքով նկարագրում է Վասպուրականի ոգելից պատմագիրը՝ Թովայ Արծրունին: Իմ նկարագրութիւնը շատ անգոյն կը լինէր նրա գեղարոեստական գրչի առջեւ: Ես թողնում եմ այդ, միայն մի բան չէ կարելի չիչեցնել, որ Ոստանը, Ռշտունեաց գաւառի ամուր բերդ լինելուց յետոյ էր միեւնոյն ժամանակ նրա վաճառաշահ քաղաքը: Նա մի կողմից մօտ էր Դատոանի նաւահանգստին, միւս կողմից, այն մեծ քարաւանի ճանապարհին, որ տանում է Վանից դեպի Մուշ եւ Բաղէշ: Այդ էր պատճառը, որ Ոստանի հովիտը մի ժամանակ ուներ մինչեւ հարիւր հազար հայ բնակիչ: Բայց տասնեւհինգերորդ դարում Սկանդերբեկը, որ, Հայաստանի մի մասին տիրելով, իրան կոչեց Շահ-արմեն (թագաւոր հայոց) այդ բարբարոսը, Վան քաղաքը աւերակ դարձնելուց յետոյ, Ոստանն էլ բոլորովին անմարդաբնակ դարձրեց: Նա կործանեց հին բերդը, կործանեց բոլոր ամրութիւնները, նա կործանեց Գագիկի կառուցած պալատների մնացորդները:

Այժմ Ոստանի փառքից, նրա հազարաւոր հայ բնակիչներից, մնացել էին մի քանի քրդական խրճիթներ միայն: Այդ գետնափոր խրճիթների եր-